

106 móti fæ jeg ekki sjeð að vegalögin 10. nóv. 1887 hafi gjört nokkra breytingu á ákvörð-
2, septbr. un laga Nr. 6, 27. febr. 1880 um brúargjörð á Skjálfandaflijóti, og verður því sýslu-
nefndin í Suður-Þingeyjarsýslu eptir sem áður að hafa umsjón yfir brúnni samkvæmt
4. gr. nefndra laga.

Þetta tilkynnist yður hjer með til þóknanlegrar leiðbeiningar.

107 Brjef landshöfðingja til amtmannsins yfir norður- og austuramtinu, um
3. septbr. jarðabæturnar á Staðarbyggðarmýrum. — Í þóknanlegu brjefi, dags. 4. júlí p. á., hafið
þjer, herra amtmaður, skýrt mjer frá, að eptir að jeg 10. septbr. 1887 hafði veitt sýslu-
nefndinni í Eyjafjarðarsýslu sem leiguliða á þjóðjörðinni Syðra-Laugalandi í Staðar-
byggð 87 meðalálna linun í landskuldinni af jörðinni fardagaárin 1886—89, gegn því
að sýslunefndin innan júlímánaðarloka 1888 hefði fullkomlega látið endurbæta flóðgarð,
tilheyrandi jarðabótinni á Staðarbyggðarmýrum, er nefnist Grásteinsgarður, og svonefnda
Laugalandsbrú, og sýslunefndin hafði gengizt undir að endurbæta þessi tvö mannvirki,
hafið þjer orðið þess áskynja, að sýslunefndin mundi ekki hafa fullnægt hinum settu
skilyrðum fyrir landsskuldarinuninni, og heimtað skýrslu umboðsmannsins yfir Munka-
þverárklaustri um þetta atriði, og er þjer af skýrslu hans höfðuð fengið vissu fyrir, að
sýslunefndin í árslok 1889 var enn ekki farin að láta endurbæta fyrnefndan Grásteinsgarð,
hafið þjer lagt fyrir umboðsmanninn að sjá um, að sýslunefndin fullnægði skyldu sinni,
að því er snertir fullkomna viðgjörð á flóðgarði þessum, innan júlímánaðarloka 1890.
Í stað þess að verða við þessari áskorun yðar, hefur sýslunefndin borið það fyrir, að
aðgjörð á Grásteinsgarði, sem eptir áliti búfróðra manna væri ónauðsynlegur fyrir Syðra-
Laugaland, mundi kosta allt að 1000 kr., og þó ekki geta orðið til frambúðar, með
því að hann á næsta ári mundi eyðileggjast af vatnságangi, og af þessum ástæðum hef-
ur sýslunefndin ályktað að fara þess á leit við landsstjórnina, að hún breytti þessari að-
gjörðarkröfu sinni á hendur sýslunefndinni, en að öðrum kosti að segja Syðra-Laugalandi
lausu fyrir næstu jólaföstu.

Jafnframt og þjer ýtarlega hafið sýnt fram á, að áminnst ályktun sýslunefnd-
arinnar í Eyjafjarðarsýslu, sem að öðru leyti er felld úr gildi af amtsráðinu að því er
snertir lausasögn á Syðra-Laugalandi, sje mjög svo vanhugsuð, og að málavextir þeir,
sem bornir eru fram henni til stuðnings, sjeu alls eigi rjett hermdir, hafið þjer lagt það
til, að þó að sá galli sje ennfremur á optnefndri ályktun, að því er snertir beiðni sýslu-
nefndarinnar um breyting á kröfu landsstjórnarinnar um aðgjörð á Grásteins-
garðinum, að ekkert er tekið fram um, í hverju sú breyting skuli vera fólgin,
þá sje beiðni sýslunefndarinnar um þetta efni að því leyti tekin til greina,
að sýslunefndinni sje veittur sá kostur, að hún á yfirstandandi sumri láti á
sinn eigin kostnað tvo búfróða eða kunnuga og óvilhalla menn, sem sýslumaður til-
nefnir skoða Grásteinsgarðinn í vidurvist umboðsmanns og gjöra uppástungu um, hvernig
breyta mætti garðinum og stefnu hans, þannig að hann gjörði full not eptir sem áður,
að sýslunefndin síðan með hliðsjón af þessari skoðunargjörð láti uppi ákvedna yfirlýs-
ing sína um, hvernig hún óski að garðinum yrði breytt — en allur kostnaður við þá
breytingu yrði að greiðast af sýsluffelaginu — og að málið síðan sje borið upp fyrir
landsstjórninni til úrskurðar með tillögum amtsins og hlutadeigandi umboðsmanns.

Útaf þessu skal yður til vitundar gefið, herra amtmaður, yður til leiðbeiningar

og til frekari birtingar, að jeg að öllu leyti fellst á framangreindar tillögur yðar, eins 107
 og jeg að öllu leyti fellst á allar aðgjörðir yðar og fyrirskipanir, þær er skýrt er frá í 3. septbr.
 ofannefndu brjefi yðar, viðvíkjandi hinum öðrum landssjóðsjörðum, sem eiga pátt í
 jarðabótinni á Staðarbyggðarmýrum, sjerstaklega að því leyti sem þjer hafð samþykkt,
 að í þetta skipti og eptir málavöxtum mætti standa við það, er umbóðsmaðurinn hafð
 leyft hlutaðeigandi leiguliðum að gjöra breytingu þá, er nánar er skýrt frá, á svo nefnd-
 um Bjarkargarði og heybandsbrú við jörðina Ytri-Tjarnir.

Brjef landshöfvingja til sýslumannsins í Skagafjarðarsýslu, um toll af 108
 «Drops». — Með brjefi dags. 27. maí p. á., er hingað hefur borizt beina leið, hefur 3. septbr.
 herra V. Claessen á Saudárkrók borið sig upp undan því, að þjer hafð heimtað af hon-
 um toll af 51 pd. af «Drops» (brjóstsykri) er hann fjekk með skipinu «Thyra» 5. apríl
 p. á., og hefur hann spurzt fyrir um, hvort það mundi heimilt.

Útaf þessu skal yður hjermeð þjónustusamlega tjáð til þóknanlegrar leiðbeiningar
 og birtingar fyrir hlutaðeiganda, að með því að orðið «sykur» í 1. gr. 2. í lögum Nr. 10., 9.
 ág. 1889 eptir almennri merkingu þessa orðs að eins grípur yfir hinar almennu sykur-
 tegundir, hvítasykur, kandíssykur og púðursykur, þá verður ekki án sjerstakrar heimildar
 tollur lagður á «Drops», sem auk sykurs einnig er gjört af öðrum efnum og paraðauki
 er ætlað til alls annars en almennar sykurttegundir.

Ágrip

109

af fundargjörðum amtsráðsins í Vesturamtinu dagana frá 16. til 18. júní 1890.

Ár 1890, hinn 16. júnímán. hjelt amtsráð Vesturamtsins fund með sjer í Stykk-
 ishólmi, og voru mættir á fundinum: sem forseti ráðsins í fjarveru amtmanns E. Th.
 Jónassens, sem settur amtmaður, yfirdómari Jón Jensson, amtsráðsmaður, sýslunefndar-
 maður Hjálmur Pjetursson og í forföllum amtsráðsmanns, sýslumanns S. E. Sverrisons,
 varaamtsráðsmaður skólastjóri Torfi Bjarnason.

Komu mál þessi fyrir á fundinum:

1. Forseti lagði fram:
 - a. Reikning yfir tekjur og gjöld jafnaðarsjóðsins í Vesturamtinu fyrir árið 1889.
 - b. Reikning yfir búnaðarskólagjald í Vesturamtinu 1889.
 - c. Reikning yfir tekjur og gjöld búnaðarsjóðs Vesturamtsins 1889.
 - d. Reikning yfir tekjur og gjöld amtsbókasafnsins í Stykkishólmi fyrir árið 1889.
 Amtsráðið yfirlór þessa reikninga og þótti ekkert við þá athugasvert.
2. Forseti lagði fram eptirfylgjandi sýslusjóðsreikninga:
 - a. úr Mýrasýslu 1888 og 1889. Út af eptirstöðvum hjá hreppnum, samkvæmt
 reikningum þessum, á sýslusjóðsgjaldi, sem við árslok 1889 var 130 kr. 77 a.,
 og sýsluvegagjaldi, sem á sama tíma var 400 kr. 39⁵/₁₀₀ e.; fól amtsráðið forseta
 að ítrega fyrir sýslumanni áminningu ráðsins á fundinum 1888, um að inn-
 heima árlega allt sýslusjóðs- og sýsluvega-gjaldið hjá hreppunum, og beita að
 öðrum kosti þvingunarmedulum við hreppsnefndina. Svo skyldi og forseti skora á